

蜀

典

蜀典卷十一上

忒威介侯甫張 澍編輯

姓氏類

梁巴族姓著自黃容常璩國志亦言盛宗費密所作毋乃  
疏庸奇異竝取源流斯通是曰因謚賈執追蹤

蜀無姓

司馬貞云世本蜀無姓相承云黃帝後世子孫也

蜀山氏

海內經黃帝妻雷祖生昌意昌意降居若水生韓流韓流擢首  
謹耳人面豕喙麟身渠股肱止取淖子曰阿女生帝顓頊世本

黃帝娶於西陵氏之子謂之嫫祖產青陽及昌意竹書紀年昌意降居若水產帝乾荒生帝顓頊乾荒卽韓流也按山經竹書以顓頊爲昌意之孫而大戴禮帝繫篇云昌意娶於蜀山氏之子謂之昌僕氏產顓頊是顓頊昌意子也又世本顓頊母濁山氏子名昌僕濁蜀古字通濁又通淖是淖子卽蜀山氏也昌僕一作景僕又曰女樞初學記引帝王世紀云顓頊母曰景僕蜀山氏女謂之女樞是也樂史寰宇記謂卽石泉縣之蜀山

### 塗山氏

呂氏春秋禹娶塗山氏不以私害公自辛至甲四日復往治水  
寧陽國志禹娶于塗山今江州塗山是也帝禹之唐銘存焉杜

預亦云巴縣有塗山禹所娶按塗氏卽出于塗山氏世本云塗山名女媧連山易塗山氏名攸女古今人表名趨吳越春秋名女狄大戴禮作女嬌又一作女嬌也

### 青陽氏

按蜀有青陽姓以青陽降居沘水子孫居蜀此姓遂蕃也風俗通云青陽氏黃帝子孫始姓之漢有東海太守青陽愔東海王中尉青陽精又按前蜀樞密使唐道襲母青陽氏夢白衣神人逼而交之生道襲北史宋有青陽顯伯又趙宋咸平有青陽相元符有青陽回政和有青陽泰青陽兢青陽充紹定有青陽師魯青陽燮崇寧有青陽楷青陽仲康皆進士均蜀人黃山谷集

有青陽簡簡字希古井研之青陽氏也居井研煮鹽爲富人內  
外族姻待之以炊者數十家或以僞券取其金而焚其券或爲  
簡行錢而負之簡折其券終善遇之宋又有青陽仲廣作天王  
寺塔記范禹偁有門生青陽誠對語終日飲井水一杯青陽族  
最大登進士者三十餘人又分族於井研科第亦盛其後徙丹  
徒

### 褐冠氏

風俗通褐冠氏賔人以褐冠爲姓褐冠子著書澍按卽鵝冠也  
賔今之渠縣是褐冠爲蜀人矣

### 上官氏

棲瀼學師宋恩等題名有文學上官震彥照又巴郡太守張納  
碑陰議曹掾江州上官延又領校安瀼長江州上官且蜀之上  
官氏自瀼已有蜀錄李特時有上官鼎上官惇上官琦爲將帥  
爪牙僚屬新唐書南蠻傳貞觀十二年巴洋集壁四州獠叛遣  
右叅候將軍上官懷仁破之于壁州宋史上官正字常清開封  
人淳化中與雷有終竝爲西川招安使正與鈴轄馬知節平廣  
叅叛卒劉旰之亂遷南作坊使蜀之上官氏亦或有懷仁與正  
之後也紹興五年己卯科進士上官廷彥遂寧人特奏名宋史  
忠義傳上官夔爲萬州將德祐二年萬州破夔死之夔亦蜀人  
上官進梓州人故後主軍校也國亡嘯聚亡命三千人劫掠邨

民夜攻梓州城爲知州馮瓚所禽

淳于氏

魏書淳于誕傳誕字靈遠其先太山博人後世居蜀漢或家固安之恆陵縣益州刺史劉峻召爲主簿蕭衍除步兵校尉景明中歸歸國陳伐蜀計正光中秦隴叛詔誕爲西南道軍司馬別將從子午南出斜谷有功孝昌初魏子建以誕行將易郡帶自馬戍二年行巴州刺史三年爲東梁州刺史卒長子亢亢弟文今蜀多淳于氏卽誕後後改姓淳也

相里氏

朝野雜記相里公擇寅邛州安仁人袁起巖所薦新知眉州朝

廷詔公擇秩滿赴行在奏事按起巖袁說友也建安人安仁今大邑宋史盧斌傳李順爲亂成都守斌還梓州集十州兵赴援知州張雍委以監護之任會江水泛溢毀子城斌勸諭州民翌日畚鍤大集自城西大壕累掘塹深丈決西河水注之以環城二月賊渠相里貴眾二十一萬傳城下城中兵才二千斌大破之

### 皇甫氏

按晉時皇甫晏爲益州刺史遇害唐初蜀新定吏多橫恣人不聊生高祖詔皇甫無逸特節巡撫得承除吏旣至黜貪暴用廉善德令嚴明蜀人以安後爲益州大都督府長史蜀之皇甫或

其後也西陽雜俎蜀將皇甫直別音律擊陶器能知時月好彈琵琶元和中嘗造一調乘涼臨水池彈之本黃鐘而聲入蕤賓因更弦再三奏試彈於他處則黃鐘也直因切調蕤賓夜復鳴於池上覺近岸波動有物激水如魚跳及下絃則沒矣直遂集客竭池窮泥索之數日得鐵一片乃方響蕤賓鐵也宋皇甫坦夾江人善醫術顯仁太后苦目疾國醫不能療臨安守臣以坦聞高宗召見問何以治身坦曰心無爲則身安人主無爲則天下治引至慈寧殿治目疾立愈高宗厚賜之一無所受令持香燭青城山明皇甫仲和雅州人精天文推步成祖北征仲和與袁忠徹扈從師至漠北不見寇問之曰今日未申間寇從東南

來王師始少卻終必勝此日中不至械之將誅死頃之中官奔告曰寇大至授欽天監正

余朱氏

按周天和中秀容余朱敞爲信州刺史信州卽今忠州蜀之余朱氏宜卽其後又余朱洞爲余朱榮之族弟避亂入蜀得道尉遲樞南楚新聞云咸通中有姓余朱者家於巫峽每歲賈於荆益瞿塘之端有白馬神祠余朱嘗禱焉一日自蜀迴復祀之忽聞神語曰愧子頻年相知吾將捨茲境故明言與君別耳客驚問神安適耶曰吾當爲湖南城隍神上帝以吾有薄德於三峽民遂此升擢耳然天下將亂今天子亦不久馭世也余朱驚問

蜀書 卷一 一  
三  
曰嗣君誰耶曰唐德尙盛客請其諱神曰固不可泄客懇求之  
乃云昨見天符但有雙日也語竟不復言是歲懿皇升遐僖宗  
以晉王卽位

林閻氏

氏族略林閻氏嬴姓漢蜀郡林閻翁孺博學能文見文章志澍  
按林閻翁孺揚雄師也常璩學易國志以爲姓林名閻字翁孺  
非複姓也鄭夾漈所言蓋謬翁孺臨邛人謂成都者亦誤

陽城氏

按桓譚新論陽城子張名衡蜀郡人與吾俱爲講學祭酒及寢  
疾預買棺槨多下縣繡立被發冢風俗通云漢有諫議大夫陽

城公衡所云陽城公衡卽陽城衡也王充論衡超奇篇云陽城子長作樂極窅冥之深非庶幾之才不能成也對作篇作城陽子張寧易國志作城陽子元又按班彪傳云苴帝時司馬遷著史記自太初以後闕而不錄後好事者頗或綴集時事然多鄙俗不足以踵繼注好事謂揚雄劉歆陽城衛禧少孫史孝山之徒衛當爲衡字之訛

### 公孫氏

宋紹興十五年乙丑科進士公孫熊安岳人元豐八年焦贛榜進士公孫謨安岳人淳熙十一年甲辰科進士公孫乙遂寧人元至正中進士公孫輔德陽人

司徒氏

朝野僉載利州進士司徒鐵唐光啟時寇亂未得調補寓居河東見李克用曰王勿以車駕播遷爲念寺人不久淨盡願王終守臣節後能君主天下克用禮爲上賓鐵曾見友人李球言遇仙事自談無緣彌修性理

蔡母氏

按齊神叅時有蔡母懷文以道術事神叅官至信州刺史信州卽今忠州也蜀之蔡母氏或其裔又唐有著作郎蔡母潛荊州人或其裔由楚入蜀王建郤將蔡母諫說建善士愛民以觀天下之變卽潛後也宋宣和三年辛丑科進士蔡母賁蔡江人紹

與二十一年辛未科進士綦母寧墓在縣東三十里古鹿山有  
后柱題曰大宋國宣和元年十月十五日敦菴郎綦母寧字天  
亨墓又綦母常綦母卿俱綦江人墓在岑獅壩

叔先氏

舉易國志永建元年十二月符縣長趙祉遣吏先泥和拜檄巴

郡守過成瑞灘

漢書作  
城湍

溺死其女先緒年二十五自沈求屍泥

和有子名賢水經注符縣長遣吏先尼和以永建元年十二月  
詣巴郡沒死成湍灘子賢求喪不得女緒年二十五歲有二子  
五歲以還至二年二月十五日尙不得喪緒乃乘小船至父沒  
處哀哭自沈見夢告賢曰至二十一日與父俱出至日果浮出

江上郡縣爲之立碑以旌孝誠也按搜神記作叔先雄云叔先泥和之女也年二十七歲有子男貢年五歲貫年三歲范蔚宗後漢書作叔先複姓也泥下無和字泥一作沈亦作江益部耆舊傳作光洛云符有光洛焚道有張帛帛洛協韻王深寧引水經注作光終符縣人今水經本作光緒終爲絡之訛光爲先之訛也

宇文氏

按宇文本夏州姓廢帝三年宇文貴代尉遲迴爲益州刺史又宇文憲齊王叅成元年爲益州總管宇文招趙王保定三年任宇文儉譙王天和五年任宇文達代王建德四年任俱太祖子

又字文贊漢王天和五年任益州刺史宇文康閔帝子紀王建德中爲利州總管蜀之宇文氏必係貴憲招儉諸人仕蜀之子孫也又按唐叅后時右司諫宇文鈞以直言貶蜀后念之召爲學士蜀之宇文亦或有鈞後宋時雙流宇文氏最盛而成都縣竹次之宋太平興國中進士宇文愚華陽人景德二年乙巳科進士宇文之奇縣竹人慶厯二年壬午科進士宇文逸成都人嘉祐二年丁酉科進士宇文冊雙流人李大臨稱爲西川顏子又字文之邵縣竹人嘉祐中進士宇文昭度成都人熙寧中進士宇文昌齡雙流人刑部侍郎任尙書屯田員外郎子粹中官尙書左丞次子閔中時中賜進士第知潼川粹中子師獻字德

濟見張栻墓表又宇文黃中宇文虛中均邦彥子宇文千之閭  
州人宇文彬縣竹人大觀三年己丑科進士又政和中進士宇  
文璞宇文恆俱成都人紹興十二年壬戌科進士宇文任成都  
人宇文紹節雙流人紹興中進士宇文畢成都府人乾道中進  
士宇文華南部人淳熙五年戊戌科進士宇文价丹稜人進士  
宇文子震雙流人著作郎守潼川宇文礪守威州宇文价兵部  
尚書元至順進士宇文公諒成都人寓吳興四年登第熙寧時  
宇文奉直守懷安軍孝宗時宇文景訥知彭州

令狐氏

按令狐係敦煌著姓周中興中令狐休任合州刺史令狐整于

老成元年任始州刺史唐貞觀十八年整子德蔡任雅州刺史  
乾寧三年令狐崇管昌明令必其子孫寓蜀故有此氏然三國  
蜀漢時巴西人令狐衷爲南廣太守是蜀舊有令狐氏也唐時  
絕無聞人宋時遂寧登科者甚眾建炎二年戊申科進士令狐  
習令狐賓紹興十五年乙丑科進士令狐鵬俱遂寧人紹興元  
年癸未科進士令狐古令狐絳均特奏名乾道二年丙戌科進  
士令狐繼隆令狐諤特奏名淳熙十一年甲辰科進士令狐午  
特奏名紹熙四年癸丑科進士令狐炳特奏名嘉定九年戊辰  
科進士令狐友龍嘉定七年甲戌科進士令狐湙令狐已之寶  
慶二年丙戌科進士令狐彥深特奏名紹定五年壬辰科進士

令狐震之令狐概漢子端平二年乙未科進士令狐斐淳祐元年辛丑科進士令狐震已均遂寧人

司馬氏

按仙傳拾遺謂司馬錯于惠文乙巳年伐蜀時同三弟唐建威李德茂宋雲刁等仙去是蜀之司馬氏或錯後也然考秦本紀惠文君十四年更爲元年九月司馬錯伐蜀滅之昭襄王六年蜀侯輝反司馬錯定蜀昭襄二十七年使司馬錯發隴西攻楚黔中拔之是仙傳所言于惠文時仙去者非矣漢有司馬相如而後嗣靡聞尋易國志云司馬敬同司馬氏女五更張伯饒妻也前妻霸有三男一女敬同產一男撫教五男恩愛若一霸卒

葬河南敬同與諸子還蜀疾病遺令告子曰舜葬蒼梧二妃不從汝父在梁吾自在蜀亦各其志勿違吾勅也遂葬蜀子光超稟母教爲聘士序志云敬同成都人又云義舊狄道長姜穆女縣竹司馬雅妻也晉司馬勝之字與先縣竹人學通毛詩治三禮清尚虛素姓澹不事榮利初爲郡功曹甚善綱紀之體州辟從事進尚書左選郎徙祕書郎時蜀國州書佐望與郡功曹參選而從事佗臺郎時重察舉雖位經朝要還爲秀孝亦爲郡端右景耀末郡請察孝廉大同後梁州辟別駕從事舉秀才厯廣都新繁令政理尤異以清秀徵爲散騎侍郎以宗室禮之終以疾辭去職卽家拜溱嘉太守候迎盈門固讓不之官閒居清靜

謙卑自牧常言世人不務求道德而汲汲於爵祿若吾者可少  
以爲有餘榮矣訓化鄉閭以恭敬爲先年六十五卒於家子尊  
賢佐皆有令德宋史忠義傳司馬夢求敘州人溫國公光之後  
景定三年進士咸淳末調江陵沙市監北兵因水涸攻陷夢求  
自縊死又子已溫公七世孫寓居戎州該通理學不事科舉召  
補嘉定州司戶參軍所撰有先後天圖蓋金人陷汴索虞部員  
外郎司馬樸之孥趙鼎匿其長子倬于蜀得免樸爲君實孫故  
蜀有溫公之裔也

鮮于氏

按勢易志漢有鮮于定爲廣漢太守晉咸康中有鮮于舉爲相

州刺史以蜀亡舉兵見誅蜀之鮮于氏未知係何人之後顏真卿鮮于太保碑亦未詳其世系明皇本紀天寶十載四月劍南節度使鮮于仲通及雲南蠻戰于西江河大敗新唐書本傳李叔明字晉本鮮于氏兄仲通字向叔明擢明經崔旰入朝拜東川節度使大厯末或言叔明本嚴氏子少孤養外家冒鮮于姓叔明醜之表乞宗姓列屬籍代宗从之宋咸平三年庚子科進士鮮于端夫南部人嘉祐元年甲戌科進士鮮于侁閬州人侁字子駿爲利州副使蘇軾稱其上不害法中不廢親下不傷民以爲三難後拜左諫議大夫著有詩傳易斷尤長于楚詞元祐三年戊辰科進士鮮于翔渠縣人第四甲宣和中進士鮮于輝

俱順慶人淳熙中進士鮮于受大足人鮮于卓順慶人紹熙元年庚戌科進士鮮于季寅紹熙四年癸丑科進士鮮于鈞特奏名嘉定十三年庚辰科進士鮮于應庚紹定五年壬辰科進士鮮于應文季寅子寶祐元年癸丑科進士鮮于應昌均遂寧人宋舉人鮮于份營山人又宋嘉定時有鮮于天一劍州人好學通天文厯數地理方技其學甚博制行和雅見高尙午墓銘國朝間中縣學拔貢生鮮于玗鮮于鳳巴州學歲貢生鮮于瑄邛州學正

### 三邱氏

姓氏急就篇氏族略竝云蜀志有三邱務按蜀志無三邱務考

丘昂吳興人與弟給事中夸太守矩竝以孝行著聞當時謂之  
三丘王鄭二說或因此而誤

微生氏

按微生卽尾生氏字相通三峽記明月峽中有二溪東西流宋  
順帝昇平二年峽人微生亮釣得一白魚長三尺投置船中以  
葦覆之及歸取烹見一美女在草下潔白端麗自言高唐之女  
偶化魚遊爲君所得亮曰旣非人能爲妻否女曰冥契使然何  
爲不得爲亮妻三年其後忽曰數已足矣請歸高唐亮曰何時  
復來答曰情不忘者有思復至一歲三四往來其後不知所終  
沮渠氏

按唐太上老君石像碑末云朝散郎上騎都尉瀘州沮渠智烈書是蜀有沮渠氏也

毋丘氏

按晉時聞喜人毋丘奧任益州刺史建平監軍又毋丘暉任西  
夸校尉蜀之毋丘氏宜出其後唐白居易木蓮樹詩序忠州北  
十里有鳴玉溪生者穠茂尤異元和十四年夏命道士毋丘元  
志寫惜其遐僻因題三絕句云又按蜀錄漢中太守杜孟治退  
走漢國功曹毋丘建荷檐杖曰吾雖不肖一國大夫國亡不能  
存終不屬賊也餓死谷中宋皇祐中進士毋丘會新井人政和  
中進士毋丘儼宣和中進士毋丘斌紹興中進士毋丘拾均南

部人漱玉巖在縣南巖側宋毋丘氏所居也而劍州南百里有毋丘祠相傳毋丘儼昆弟四人讀書處淳祐四年甲辰科進士毋丘久大安岳人鄧名世姓氏辯證云毋丘儼毋丘斌竝閬中人登科又宋馮時行畱題建炎戊申正月上巳日判官李造道司戶趙執權知縣毋丘元望縣尉馮當可陪郡候謁老烈公祠遂泛江而下散步此磧

### 閬丘氏

按閬丘氏左傳齊大夫閬丘明之後唐閬丘均成都人以文章著名景龍中安樂公主薦拜太常博士坐貶循州司倉參軍卒有集十卷唐詩紀事云杜審言以詩閬丘均以字同侍老后案

六朝以有韻者爲文無韻者爲筆卽杜詩所謂世傳閭丘筆也而紀事以筆爲字舛矣杜工部有贈閭丘師兄詩均之孫也宋史司馬池傳蜀人妄言戍兵叛繼將入寇富人瘞金銀逃山谷閬郾縣令閭丘夢松假他事上府當是均之後

### 歐陽氏

蜀之歐陽氏漢晉無聞者惟唐時有歐陽機臨湘人爲什邡令歐陽顯爲晉原令或其裔留蜀故有此氏也宋歐陽迥小字父珪通泉令十國春秋本傳華陽人性坦率雅善長笛從後主歸宋宋太祖常召於偏殿令奏數曲御史中丞劉溫叟聞之叩殿門求見諫曰禁署之職典司誥命不可作伶人之事太祖曰朕

常聞孟昶君臣溺於淫樂迺至宰司尙習此伎故爲我所禽所以召迴欲驗言者之不誣也明嘉靖二十三年甲辰科進士歐陽震巴縣人官御史萬厯三十八年庚戌科進士歐陽律合州人景泰元年庚午科舉人歐陽曰良綦江人成化四年戊子科舉人歐陽文瀘州人成化十三年丁酉科舉人歐陽讓郪縣人嘉靖七年戊子科舉人歐陽復巴縣人官信陽知州國朝乾隆四十八年癸卯科舉人歐陽曙溫江人嘉慶五年庚申科舉人歐陽昶巴縣人

### 夏侯氏

按蜀志廣漢太守夏侯纂蜀有夏侯氏當始此十國春秋夏侯

延祐蜀人工画花竹翎毛師黃筌得其要領廣政時充翰林待詔歸宋爲圖院執學

長孫氏

按長孫氏本略陽籍隨時長孫洪爲臨州刺史至唐元和中任普州刺史長孫知仁至德中任渝州刺史開元中坐無忌從弟由渝州刺史貶翼州司馬蜀之長孫氏乃其裔也

脩羊氏

列仙傳云脩羊公蜀人隱鬱山石室漢景帝禮之化爲白石羊題曰脩羊公謝天子按一作魏人

句龍氏

揮塵後錄句龍如淵本句氏避高宗諱加龍字官御史中丞宋史如淵字行父導江人政和八年登上舍第浮沈州縣二十年以張浚薦召試館職紹興六年除祕書省校書郎八年兼給事中同知貢舉除中書舍人兼直學士院校錄異記句龍宏道居梓潼山下偃老亭南廬年逾八十髮長丈餘父母二墳各生紫芝一莖高六七寸馴伏猛獸以爲常焉廣明辛丑歲僖宗親幸其第坐庭中瓦石上是宋以前蜀原有句龍氏也句龍庭實夾江人政和乙未科進士召試學士院除校書郎後知眉州作通濟渠以溉民田眉州德之刻石記其事句龍傳字明甫亦夾江人撰春秋三傳分國紀事本末句龍慶字昌裔雲陽人開寶初

爲祕書丞李廌畫品云蜀句龍爽所作普陀觀音像具天人種  
種殊相寶珠纓絡鉢衣紺髮使人瞻之敬心自起筆氣清潤意  
通幻妙所圖畫之普陀伽山在海岸孤絕處烟巒蒙密佳氣藹  
然慶厯中進士句龍緯仁壽人治平中進士句龍球成都人熙  
寧三年庚戌科進士句龍綱榮州人崇寧五年丙戌科進士句  
龍諤達州人紹興八年戊子科進士句龍傳榮州人紹興十八  
年戊辰科進士句龍震句龍騁俱成都人紹興二十七年丁丑  
科進士句龍亶昌州大足人紹興中進士句龍時成都人句龍  
湜句龍驤句龍衢俱榮州人隆興元年癸未科進士句龍慶安  
岳人乾道五年己丑科進士句龍京內江人句龍復資州人淳

熙中進士句龍卯句龍士榮俱合州人紹熙元年庚戌科進士  
句龍時行遂寧人特奏名嘉泰二年壬戌科進士句龍公翊瀋  
州人紹興定中進士句龍彥西鄉縣人淳祐十年庚戌科進士  
句龍傑資州人寶祐四年丙辰科進士句龍煒眉州人國朝鹽  
亭學歲貢生句龍敬官蓬州訓導

### 古成氏

風信通云古成子之後後隨音改焉溼有廣溼都尉古成雲按  
古成雲卽蜀人又姓謹云唐開元時有古成夔爲雲陽尉

### 東方氏

氏族考宋嘉祐登科有東方穎叔梓州人

東鄉氏

按東鄉氏宋大夫東鄉爲人之後見世本明嘉靖中丹稜東鄉魏任廣西平南縣訓導

公乘氏

易國志公乘會姜廣都張氏女也夫早亡無子姑及兄弟欲改嫁之張誓不許而言之不止乃斷髮割耳養會族子事姑終身隸續有廣都公乘伯喬殘題名碑是今之雙流有此姓

公明氏

按論語有公明賈孟子有公明儀公明高說苑公明宣學於曾子元至正進士公明律德陽人通志云涪州人紹定中進士

屈突氏

十國春秋後蜀本傳屈突無爲成都人有神仙之術自號神和子越百年尙著靈異云一統志張詠嘗遊京師於封丘門逆旅遇一道人與飲至醉詠曰不知姓名異日何以相識道人曰我神和子也異日見子於成都後詠守益州始思其言嘗物色之弗得後於天慶觀壁上畫一道人肖逆旅所見視其題曰神和子

赫舍哩氏

周易集傳赫舍哩希元撰柳貫薦狀云伏見成都處士赫舍哩希元年踰半百篤志窮經於易春秋二書精考密察探賾鉤元

不背先儒訓釋之旨自得聖人制作之微安貧樂道若將終身而孝友之行刑於家庭信義之實稱於朋友邇者翰林集賢諸老監察御史惜其老於文學累嘗交章論薦謂京師首善之地有一安恬之士獨能遺外聲利篤學力行起而用之可以表倡四方興起風化非直爲希元私也貫忝職奉常日虞曠敗蓋討論禮典稽考儀文必得通經學之儒乃爲稱選貫熟知其賢用敢舉以自代如蒙轉而上聞將赫舍哩希元權充博士代替貫名關必能脩舉職業上副朝廷優賢崇禮之仁按赫舍哩希元舊作紇后烈希元

紇骨氏

姓纂唐有利州人侍中紇骨士威

呼延氏

氏姓謚呼延迪四川人正統中任福建叅將

侯莫陳氏

按侯莫陳凱子保定三年爲陵州刺史侯莫陳相二子長子貴樂尙公主駙馬都尉次子晉貴尙衛將軍梁州刺史隆化時并州失守晉貴遣使降周授上大將軍宋侯莫陳利用卽晉貴之後倭倖本傳侯莫陳利用益州成都人幼得變幻之術太平興國初賣藥京師言黃白事以惑人樞密承旨陳從信白於太宗卽日召見試其術頗驗卽授殿直累遷崇儀副使雍熙二年改

右監門衛將軍領應州刺史三年諸將北征以利用與王侁竝  
爲并州駐泊都監擢單州刺史四年遷鄭州團練使前後賜與  
甚渥依附者頗獲進用遂橫恣無復畏憚其居處服玩皆僭擬  
乘輿人畏之不敢言會趙普再入中書廉知殺人及諸不法盡  
奏之太宗遣近臣案得姦狀欲貸其死普固請曰陛下不誅是  
亂天下法法可惜此何足惜哉遂下詔除名配商州禁銅籍利  
用家得書數紙言皆指斥切害悉已進上太宗怒令中使轡殺  
之宋史陳作成誤今改正通志方伎傳作陳利用無侯莫二字  
者尤誤

巴氏

世本巴氏巴子國子孫以國爲氏宋衷注其地巴郡江州縣按  
虞君務相姓巴氏與暉樊相鄭四氏爭長亦見世本

### 資氏

潛夫論詹資郿翟黃帝後陳畱風俗傳資姓黃帝之後食采益  
州資中因以爲氏玉篇資故國黃帝後姓纂云益州資中今資  
州資陽有資水江羅泌云古資陽城在簡之陽安按鄭樵云相  
傳帝堯第十七子食采于資由未見圖稱說也漢繁長張禪等  
題名有夷侯資偉山又白虎夷王資偉本朝合江縣貢生資善  
喻塾江縣歲貢資孔福

### 鮭氏

姓源韻謚唐有鮭湛雲間中人國子博士按氏族略作漢人誤矣

### 鐔氏

氏族略鐔望出廣漢今蜀中有此姓乃呼爲蟾蜀音之訛也按後漢陳寵爲廣漢太守主簿鐔顯郵人字子誦拾遺補闕知名安帝時爲豫州刺史時天下飢荒競爲盜賊州界收捕且萬餘人顯愍其困窮自陷刑辟輒擅赦之因自劾奏後官至長樂衛尉李賢注鐔徒南反蜀漢有太守鐔承亦郵人字公文歷郡守州右職爲少府太常時費姜秉政孟敏來徼皆棲遲承以和獨立特進之也今人又讀鐔爲尋與章懷太子讀異

蜀氏

龐元英文昌雜錄云梁四公子一人姓蜀名闔孫原人蜀音攜闔音万丑禁反昭明太子曰蜀出揚雄蜀記闔出公羊傳孫原樊道山名按孫原卽司馬相如賤所云梁孫原也是蜀闔爲蜀人矣

塗氏

風信通云塗姓塗山氏之後漢有諫議大夫塗暉按集仙傳有塗辭蓬州人高道傳有塗定辭居石室貯五十萬錢賞廉者不得一人卽集仙傳之塗辭也明嘉靖二十三年甲辰進士塗澤民涿州人內黃令歷官巡撫永樂九年辛卯科舉人塗性合州

人天順進士成化十年甲午科舉人塗寧嘉定人官訓導

哀氏 褒氏

風信通漢王莽時有國將美新公哀章梓潼人按哀章袁宏漢紀作褒章卽獻金匱圖者

臣氏

漢書藝文志道家類有臣君子一篇蜀人按書序有疑至臣扈臣姓扈名也解者以爲有扈前不服至是臣順也大非則疑至又何解而唐宰相世系表言臣扈祖已皆仲虺之冑裔尤爲無稽唐有臣悅著平陳記五代漢有臣綜官安東將軍今蜀無此氏

先氏

峯易國志江陽縣胸忍縣大姓有先氏按蜀之先氏不治于先  
尼和先緒也樊毅乞復峯下田租口筭狀碑有峯陰令胸忍先  
讜先于永建矣又唐貞元時有孝廉先汪神童能詩合州人梁  
大同時有敘州刺史先鐵敘州人宋有瀘州人先詔登科忠義  
傳張珏結義士先坤朋劉霖爲內應復瀘州嘉定中進士先登  
榮先甲龍先拱望寶祐四年丙辰科進士先南巽與文文山同  
年均瀘州人明宣德四年己酉科舉人先岳納谿人先著字渭  
求工詩賦著有之溪老生詩集

鉗氏

水經注漢成帝鴻嘉三年天水石鼓鳴是歲廣漢鉗子攻死囚盜庫兵略吏民衣繡衣号爲仙君黨與漫廣明年冬伏誅按古有鉗耳氏鉗姓宜出於鉗耳也顏師古五行志注鉗子爲鉗徒誤矣

猶氏

漢學師宋恩等題名有文學掾猶玉巴郡太守張納功德敘有猶潭氏族略宋有猶道明嘉祐進士邛州人

屯氏

廣韻後蜀錄有法部尙書屯度望出巴郡

莊氏

容齊隨筆君平本姓莊避溥顯宗諱莊改曰嚴法言稱蜀莊沈  
冥蜀莊之才之珍吾珍莊也皆本字近人反謂姓嚴疏矣

### 然氏

藝易國志江州冠族有然氏又云有度遼將軍桂楊太守然溫  
江州人見巴耆舊傳水經注潛水縣有車騎將軍馮緄桂陽太  
守然溫冢二子之靈常以三月還鄉溥水暴長今水經注作李  
溫蓋宕渠李溫亦爲桂陽太守因此致誤也一統志云溫仕爲  
度遼將軍守桂陽長于治民能得其心又巴郡太守張納功德  
碑陰有從掾位江州然存字元久賊曹使江州然雄太平廣記  
引渝州圖經云渝州仙池山在江津縣界仙人姓然名獨角以

其頭有角故表其名自揚州來居此池邊起樓聚香草置樓下忽登樓命僕燒其樓獨角飛空而去因名仙池

开氏

正字通宋有四川漕使开度按晁公或讀書志序言得南陽公書五十篋陳振孫曰南陽公未知何人或云开度憲孟也是开度字憲孟矣

千氏

急就章引風俗通云潯有蜀郡都尉千獻謝按氏族略訛作千獻蜀之千氏宜爲獻之後也魏略西戎傳云建安中百頃氏王千萬有部落萬餘十六年從馬超爲亂超破之後千萬西南入

蜀其部落不能去皆降國家分徙其前後兩端者是千姓本仇池氏種也千萬入蜀故蜀有千姓統謚云千萬茂州人正統中任宜山縣典史乃昇氏王同名

### 家氏

澍按家氏本陳畱籍唐有家師諒或其裔自陳畱遷蜀宋時睢州家氏多顯者寶元元年戊寅科進士家靜嘉祐二年丁酉科進士家定國知懷安軍舊通志作家定誤元豐中進士家彬又家勤國慶厯嘉祐閒昇從兄安國定國從劉巨游昇蘇軾兄弟爲同門友王安石廢舊秋學勤國憤之著舊秋新義于家愿紹聖元年甲戌科進士家懋紹聖中進士又政和中進士家度家

杞淳熙中進士家鼎家之常家子範家復紹定中進士家仲西  
家柳淳祐中進士家遇又定國弟安國博學舉進士不第後隨  
韓存寶征乞弟得官旣而諸公薦之得成都教授朝野雜記  
卷興之變立節者紹興縣主簿家大酉避僞去官家子欽嘉定二  
年以通直郎知金州鶴山題跋蒲江令家子鑑俾邑民魏了翁  
書周子太極說張子西銘朱文公呂成公學規勒石於鄉校舊  
通志家炎郵令先是郵二十年皆攝令人疑其不利虛正寢不  
敢居炎至居之時兵火創殘之餘折器訟簡冗費代民輸賧一  
十萬有奇咸淳中知富順監值吳曦叛不屈魏了翁亟稱之歷  
官敘州通判知資彭普三州宋史本傳家鉉翁以廕補官累官

知常州政譽翕然遷浙東提點刑獄入爲大理寺少卿以秘閣修撰充紹興府長史遷樞密都承旨知建寧府權戶部侍郎兼知臨安府浙西安撫使遷戶部侍郎賜進士出身拜端明殿學士簽書樞密院事後使元畱館中間宋亡旦夕哭泣不食飲者數日

邢氏

列仙傳邢子自言蜀人好放犬子犬走入山穴邢子隨之行數百里有殿屋吏使甚嚴見其故妻主洗魚與邢子符一函竝藥便使還與成都令橋君發函魚子也著池中養之一年皆爲龍形復送符還山上見犬色更赤有長翰隨邢子百餘年遂畱山

上時下護其宗族蜀人立祠焉

冲氏

攀陽國志節士冲昱成都人少受學於嚴季后爲季后畫策免汶山夸之難冲昱今本攀陽志作仲昱由未知姓之有冲妄改作仲耳

弧氏

漢巴郡太守張納功德敘碑陰閬中弧有澍按字原以爲弧字顧諱吉謂諸氏族書無弧姓疑是張氏之省不知北齊西門豹祠堂碑陰有或猛從事弧誕則弧姓古有之

炎氏

粵易國志楊統事粵里先生炎高按爰姓古爰慶甲之後慶甲主鄧都山故蜀有爰氏與

譙氏

按蜀譙氏自漢卽多顯人皆籍西充後多散處各郡邑也閩中譙隆爲上林令或帝欲廣苑囿隆固諫後遷成皋令粵易國志目錄正侍中譙隆字伯司撰曰世家多士則相如麟遊伯司鳳翔洛下雲翥叔文龍驥又後漢書獨行本傳譙牟字君黃巴郡閩中人少好學能說易春秋成帝永始二年日食詔舉敦樸遜讓有行義者各一人州舉詣公車對策成帝拜議郎時數有災異輒陳其變後遷太常丞中散大夫四年選明達政事能班化

風俗者八人時竝舉辛爲繡衣使者持節與太僕任暉等分行天下觀覽風俗而王莽居攝辛縱使者車變易姓名閒竄歸家後公孫述僭號連聘不詣隱藏田野終述之世三國志譙周傳周巴西充國人父岍字榮始周治尙書兼通諸經及圖緯州郡辟請皆不應州就假師友從事生三子少子同頗好周業亦以忠篤質素爲行舉孝廉除錫令東宮洗馬召不就周長子熙熙子秀字元彥尋易國志譙登傳父熙察孝廉奉部大中正沔陽令叔父同字彥紹少知名拒州郡之命梁州刺史壽良與東羌校尉何攀貢之三司及大將軍幕府爲尙書郎除錫令尋易國志登字慎明譙周孫少以公亮義烈聞郡命功曹州辟主簿別

駕從事領陰平太守郡五官素大姓豪擅侵陵羌晉登誅之郡  
中皆肅後以李特作亂本部沒寇父爲李雄巴西太守馬晚所  
殺乃東詣鎮南劉公請兵時中原亂守公三年不能得兵表拜  
揚烈將軍羅尙以退住巴郡登從尙索益軍討雄不得乃往攻  
宕渠斬晚食其肝已而賊破復詣尙求軍尙察佐多以必無利  
登憤悲數陵折之又加責於尙尙下之而已後登爲李雄生得  
殺之宋皇祐五年癸巳科進士譙南薰榮昌人紹興十八年戊  
辰科進士譙筌潼州飛鳥人明嘉靖十四年乙未科進士譙孟  
龍南充人嘉靖二十九年庚戌科進士譙思順慶人永樂十二  
年甲午科舉人譙爰蓬州人永樂十八年庚子科舉人譙固閬

中人永樂二十一年癸卯科舉人譙明眉州人宏治二年己酉  
科舉人譙秉彝順慶人正德八年癸酉科舉人譙宗伯譙賜順  
慶府人譙化雄眉州人嘉靖元年甲午科舉人譙茂順慶府人  
嘉靖四年乙酉科舉人譙思譙孟龍竝南充人嘉靖十年辛卯  
科舉人譙岳順慶府人嘉靖十九年庚子科舉人譙仕淳南充  
人譙田龍順慶府人崇正三年庚午科舉人譙若配南充人

朴氏

後漢書巴郡板楯蠻七姓有朴氏蜀志曾帥朴胡率眾降魏按  
裴松之注朴音浮集韻披尤切音飄奇姓也鄭譙氏族略普木  
切音樸作朴誤矣十六國春秋蜀錄李雄募成都人朴泰鞭之

見血使誦羅尙

萇氏

按萇氏周敬王大夫萇弘之後也萇爲資中人涇繁縣長張禪等題名有夸侯萇竟舒

觀氏

姓氏辯證觀洋蜀人

渙氏

按蜀有渙謙六生子多不育依星家言生子絲谷以女畜之穿耳裹足見續齊諧

鈇氏

寧陽國志江州冠族有鈇氏隸釋巴郡太守張納碑陰文學史  
江州鈇遷

便氏

寧陽國志常元常江原人廣都令常良女適廣濬便敬賓敬賓  
早亡元常無子養敬賓族子父母欲嫁乃祝刀誓志而死志又  
云王和新都人便敬妻也敬早亡和割耳自矢

禽氏

寧陽國志孝子禽堅字孟田成都人生而失父及壯乃知父爲  
奪所得三出徼外經六年尋獲之後王商爲蜀郡太守以堅有  
至性表其墓

文氏

按蜀之文氏爲文翁之後故文同傳以同爲翁後也文翁名黨  
於景帝時爲蜀守卒于蜀吏民爲立祠王莽時有益州太守文  
齊字子奇羣脅威服公孫述據蜀齊固拒之光武卽位徵爲鎮  
遠將軍晉有文立字廣林巴郡臨江人蜀時游太學專毛詩三  
禮師事譙周門人以立爲顏回仕至尙書蜀平入晉爲濟陰太  
守人爲太子中庶子歷衛尉文恩或都太守十姓獠反恩討平  
之後治益州事堂琅羌叛恩率州兵討平之後擊資中或康隆  
山生獠及東山獠皆平之文時字蒼元成都人後唐同光時授  
帳前指揮使輕車都尉鎮守江西文滌蜀人生五歲謂母曰有

五色香囊在杏林中往取之乃前生爲兒時所愛者再生而記  
之文同字與可家梓潼善詩文篆隸行草飛白竹登進士選  
集賢校理知陵洋二州元豐中改湖州至陳卒先是崔公度見  
于京南同言曰吾聞人不妄語者舌可過鼻卽吐其舌三歲之  
如餅狀引之至眉間公度大驚及至京乃知已死所見非生者  
也有丹淵集十卷

東氏

統謙東周慶厯進士東震元豐進士皆眉州人按粵易國志公  
孫述平後東精爲賊害掠不敢入姜詩里是蜀之有東姓久矣

誰氏

氏族考誰龍南部人明正德開九江府照磨按溼巴郡太守張  
綱功德敘碑陰有守屬充國誰將靈帝熹平五年立然則誰將  
係充國人今之南充西充也

### 綦氏

按綦氏係綦母氏所改綦母族盛於綦江縣今綦江多綦姓去  
母字也明永樂二十一年癸卯科舉人綦冕縣學貢生綦白勗  
京山主簿綦化行曲靖府教授綦禎永寧知州綦葵又綦世暉  
江陵知縣綦賓南部教諭綦自勤營山教諭皆綦江人

### 量氏

岑易國志南中耆人大姓有孟巖量朴焦五姓

諸氏

楊時偉正韻牋諸音詐上聲十五馬逸字與諸字不同姓也申敬中云明萬厯閒京師有四川衛指揮諸寵唱名呼諸不應唱畢獨畱問是何姓對曰話如詐字上聲字從工从白弁者字不同諸寵自言音如詐字上聲亦非宜音查爲平聲

官氏

明永樂十八年庚子科舉人官拱壽威遠人國朝乾隆四十八年癸卯科舉人官應奎順慶府人華陽學歲貢生官朝遴榮經學歲貢官天仕榮縣學副榜官儼郛縣教諭

門氏

明景泰五年甲戌科進士門相萬歷二十九年辛丑科進士門  
達建文元年己卯科舉人門泰官按察司僉事成化元年乙酉  
科舉人門貴嘉靖十年辛卯科舉人門縉均內江人萬歷元年  
癸酉科舉人門廷秀簡州人天啟元年辛酉科舉人門造康熙  
五十三年甲午科舉人門迺路門迺正嘉慶三年戊午科舉人  
門儀歲貢門獅鳳門朱門昂授門迺士均內江人

峴氏

安岳志峴開發乾隆庚辰科舉人峴文安吏員湖南試用典史

峴文岳監生

樂氏

神仙傳樂巴字叔元蜀郡人好道術王言爲蜀郡太守時請爲  
功曹甚尊禮之路史云昔蜀王樂君王蜀與廩君結好蜀之樂  
氏宜出自樂君也

蜀典卷十一下

孚氏

粵易國志孚賀宕渠人爲大司農按益部耆舊傳賀字文和東觀漢記賀字文宏爲九江沛郡太守所在著德行縣齋持乾糒但就溫湯而已臨去百姓扶車叩馬嗟泣隨之又按後漢第五倫傳孚賀爲鄉佐倫顯拔之也終于大司農今粵易國志漢書皆作元避

本朝 廟諱也

求氏

漢書何老傳蜀郡郫縣人弟顯家有市籍租常不入縣課嗇夫

求商捕辱顯家老曰以吾家祖賤不爲累先奉公吏不亦宜乎  
卒白太守召商爲吏漢有求次方蜀郡人柳宗伯審爲州郡右  
職拔致次方與張叔遼王仲會等九人仕至牧守見粵陽國志  
益部著舊傳而鄭樵氏族略以次方爲唐人誤甚

睦氏

資陽志睦續萬厯元年癸酉科舉人睦明才資縣人嘉靖七年  
戊子科舉人睦覲光國朝瀋州學歲貢生睦正士石泉學歲貢  
訛氏

按訛蠻姓也唐書南蠻傳嶺州新安城旁有六姓蠻三曰訛蠻  
符氏

按符載字厚之蜀人于頔贈買山錢十萬范攄雲溪友議作載符誤甚

辜氏

明天啟元年辛酉科舉人辜輝天啟四年甲子科舉人辜鳳翼  
崇正六年癸酉科舉人辜延泰國朝康熙五年丙午科舉人辜  
坤均仁壽人乾隆二十四年己卯科舉人辜琦珍青神人溫江  
學歲貢辜棋仁壽人

阡氏

唐書中和二年邛州牙官阡能因公事避杖亡命爲盜捕盜使  
楊遷誘之能自出首而遷誣以獲禽被刑甚酷遂罵楊遷發憤

爲盜眾數千人陳敬瑄命高仁厚破平之邛州又捕能叔行令  
一作等敬瑄釋之

### 苴氏

按藝陽國志蜀王封弟葭萌于漢中號苴侯後命其邑曰葭萌  
今利州縣苴氏係葭萌之後也新唐書貞元中南詔復通款以  
勿邛大鬼主苴嵩兼邛部團練使封長川郡公及死子苴驃離  
幼以苴夢衝爲大鬼主數爲吐蕃侵獵兩林都大鬼主苴那時  
遣韋皋書詔封那時爲順政郡王夢衝爲懷化郡王豐琶部部  
落大鬼主驃傍爲和義郡王

### 繁氏

雲溪友議白居易除忠州刺史自峽沿流赴郡時秭歸縣繁知一知居易過巫山先於神女祠粉壁大署之曰忠州刺史今才子行到巫山必有詩爲報高堂神女道安排雲雨候清詞

儒氏

謝承後漢書儒叔林廣漢人爲東郡太守

神氏

唐時成都神鳳儀字子韶少工文流連女色老成勢衰生子俱不全然亦以壽終人謂之異數云明什邡縣貢生佑汝

貞氏

按路史貞郎也是以邑爲氏者宋紹定進士貞驥內江人一作

大觀三年己丑科進士今通志作目驥疑誤

清氏

氏族考清賢遂寧人宋端平中進士澍按蜀之清氏爲巴寡婦清之後古婦人多以姓繫非名也司馬禎以清爲名誤括地志寡婦清臺山俗名貞女山在涪州永安縣東北七十里

承氏

按承本琅邪東莞籍蜀之承氏諒自琅邪移此也宋乾德中巴州承乏雄特好兵擒文協於閬邑太祖賜感義軍節度使又縣州人承信紹定五年壬辰科進士

堅氏

氏族略蜀人堅峻

華氏

通志宋嘉泰二年壬戌科華爰已遂寧人

詩氏

澍按詩姓以國爲氏者春秋有詩國水經注亢父縣有詩亭卽其地也宋有南部詩昌言登天聖進士

鈞氏

按宋元豐進士鈞仲甫眉州人紹興進士鈞宏鹽亭人鈞昌期興隆進士渠縣人鈞軫寶祐進士安岳人一云鈞軫紹興戊子科進士遂寧人特奏名姓譜正字通有鈞宏眉州人鈞作鈞譌

蓋宏卽洪字取洪鐘萬鈞之義或作鉤尤舛

希氏

按三輔決錄希海字子江蜀之希氏當自秦遷也宋有希績字紀常儀隴人坐元祐黨希昔希德均嘉祐進士皆儀隴人希尙南部人天聖進士一作淳熙進士順慶人希習南充人亦登進士

興氏

按後魏破慕容氏忌而誅之時有免者不敢姓慕容改爲興氏宋興侯興依俱儀隴人天聖進士一云俱嘉定進士

存氏

按存水出犍爲郫縣存姓當以水爲氏者宋寶祐元年癸丑科姚勉榜進士存光孫富順人又宋有存誠

### 尋氏

按尋氏係異牟尋子尋閣勸之後也宋淳熙二年乙未科進士尋旦淳熙中進士尋昂尋森俱榮州人

### 淳氏

按淳氏本淳于氏後去于爲淳氏奇姓通宋端平進士淳坤遂寧人漢中府志淳厚恩合州人正德中爲沔縣典史統譜淳忠厚弼治舉人任成安教諭淳英景泰丙子舉人銅梁人彭水縣志淳明道妻徐氏淳明珊妻趙氏皆少寡守志以節孝稱銅梁

計都山寺有萬厯時碑有淳師龍淳師周皆生員卽邑人也

眉氏

按眉當以地爲氏者少儀外傳有眉浩少儀外傳呂祖謙撰宋有眉壽成都人政和進士

劬氏

廣韻劬姓出蜀刀遼之後避難改爲劬氏

夷氏

國朝新津學恩貢夷敦生通志沐川土官夷靖嘉靖初捐三十石田爲學田又出穀一千石賑飢當事重之

餘氏

路史越王無疆之次子蹄守歐餘亭後有餘氏宋有餘慶眉山  
人紹興進士

奚氏

國朝乾隆三十五年庚寅科舉人奚繼微蓬溪人嘉慶三年戊  
午舉人奚大壯蓬溪人

員氏

按唐昭宗世員虔嵩爲簡州刺史蜀之員氏宜卽其後員音圓  
鄧名世辯證云宋陵州仁壽員安宇太子中允弟興安屯田員  
外郎又元祐中進士員子恩員悅紹興中進士員良臣員南圭  
員興宗員彥材員沆嘉定中進士員勛均仁壽人

蘭氏

前秦錄馮翊太守蘭犢蜀人爲破虜將軍

回氏

統譜榮昌縣有回裔明宣德中官蒲州知州

由氏

溱書益州刺史朱輔宣示溱德威懷遠夷白狼槃木百餘國奉貢白狼王唐苴作詩三章輔使犍爲郡掾由恭譯而獻之

超氏

按溱有太僕超喜見廣韻世族略引作太尉宋有超必熅緜州人紹定進士

巢氏

按巢伯殷諸侯其地在廬江子孫以國爲氏宋巢谷字元脩與蘇軾善政和中進士巢安上紹興中進士巢寅均睢州人

豪氏

正字通宋儀隴人豪彥乾道中進士

多氏

按蜀之多氏出自夜郎侯多同之後也十國春秋後蜀多岳天彭人後主遣使徵之不就潛入普厲鐵峯教授牟恭從之受學

雄氏

宋有雄飛睢州人政和中進士澍宰大足時有民雄大宣

宣氏

明成化元年乙酉科舉人宣顯遂寧人國朝康熙五十二年癸巳科舉人宣德閬中人溫江縣學恩貢宣猷國朝灌縣歲貢宣而哲宣鸞鳴

通氏

姓簋巴大夫食采通川因氏焉按通川今之通江也

萌氏

姓苑萌氏出葭萌之後正字通五代蜀裨將有萌慮按葭萌屬廣漢故蜀有萌姓也

英氏

明崇禎九年丙子科舉人英士洪內江人

句氏

寧陽國志漢昌縣人姓有句氏又云王平句扶張翼廖化竝爲大將時人語曰前有王句後有張廖辯證云今句氏望出平陽東都士大夫言其先仕蜀爲句邑大夫因以命氏今成都嘉州皆爲盛族按蜀漢有句安爲大將晉有句方句鑰爲參軍後唐時有句延景字昌裔著錦里耆舊傳八卷自稱榮州應靈縣令陳振孫稱爲平陽句延慶或謂延景入蜀蜀始有句姓謬矣孟昶時有校書郎夢陽句中立字坦然精于字學後入宋爲屯田郎中子希古希仲竝進士及第希仲官太常博士又有句思

勾氏

揮塵後錄仍其字而更其音者勾濤是也按濤字景山新繁人  
崇禎二年癸未科進士爲史館脩撰不附秦檜高宗嘆其忠大  
中祥符八年乙丑一作酉科進士勾務滋榮州人勾克儉鄆人亦  
是科進士勾士良成都人慶厯六年丙戌科進士勾居體熙寧  
中進士權傾懷安軍事皇祐元年己丑科進士勾獎榮州人勾  
昌逢成都人嘉祐二年丁酉科進士勾伸熙寧三年庚戌科進  
士勾通熙寧九年丙辰科進士勾純均榮州人熙寧中進士勾  
麟雙流人元豐中進士勾敢臨成都人元祐中進士勾宗召新  
繁人政和二年壬辰科進士勾聲資州人宣和中進士勾廉一作

源成都人朝議大夫勾詠新繁人紹興中進士勾輔新繁人類  
省試第一淳熙五年戊戌科進士勾士奇榮州人淳熙八年辛  
丑科進士勾廷永安岳人嘉定中進士勾易之順慶人寶慶二  
年丙戌科進士勾德純安岳人勾復之眉州人紹定中進士勾  
復之仁壽人淳祐十年庚戌科進士勾良傳資州人寶祐四年  
丙辰科進士勾煒眉山人進士勾昌世成都人朝散大夫郡守  
勾昌泰成都人類省試第一除職帥夔州明永樂十二年甲午  
科舉人勾銘彭水人永樂十八年庚子科舉人勾榮鹽亭人國  
朝鹽亭學恩貢勾莘齡歲貢勾照蘇勾榮岳縣竹學恩貢勾升  
龍

鉤氏

揮塵後錄本句氏避高宗諱加金爲鉤氏鉤光祖是也

絢氏

揮塵後錄本句氏避高宗諱加予爲絢氏絢紡是也

仝氏

明嘉靖二十五年丙午科舉人仝繹奉節人夔州府學貢生仝

琦官黃陂縣丞

訾氏

四川志明太平廳貢生訾梅舊縣人

戎氏

國朝石泉學歲貢生戎惠劍州訓導

劉氏

陳畱風俗傳秦嬴後分封以國爲姓有劉氏宋有劉次雲蜀人見趙遶傳

閻氏

按閻姓盛于甘肅之涇州自北魏齊梁以來多顯人蜀之閻氏當自甘肅遷也明嘉靖十年辛卯科舉人閻東內江人國朝郫縣學歲貢生閻德音閻琳

工氏

統謹宋有工棧成都人大觀進士工祖孫眉州人紹興進士

公氏

宋乾道五年己丑科進士公謨安岳人明嘉靖十九年庚子科舉人公文試南部人

崇氏

希姓錄宋有崇齊賢遂寧人端平進士

修氏

希姓錄宋紹定進士修或丹富順人澍按富順人修或丹爲紹定己丑黃樸榜進士

牟氏

按元和郡縣志貞觀十六年有渝州萬壽縣人牟智才上封事

請于西南夷賓渝之界招慰不庭建立州縣至十七年置漆州  
氏族略蜀有牟氏善畫雞宋牟子才字存叟井研人從魏了翁  
楊子謨學登嘉定進士通判吉州時文天祥尙童子一見期以  
遠大後官禮部尙書翰林學士知制誥登科有牟冲陵井鹽人  
牟莘起梓州人牟恭一作從多岳學普州人舉進士後有用中  
義先積中學先兄弟皆出仕号一門四桂

蕃氏 藩氏

姓譜元至正進士蕃允德陽人四川通志蕃允宋寶慶二年丙  
戌科進士眉州人字一作藩明嘉靖中舉人藩俊保寧人官清  
遠知縣按李膺益州記蕃蠡學道於麗元山昇仙蕃古音皮亦

音婆

鳴氏

鳴氏出於齊大夫烏枝鳴之後元至正進士鳴厚德陽人一云  
宋紹定中進士睢州人

潭氏

按潭卽覃氏後漢卷陵蠻潭戎一作覃戎蜀之潭氏當卽戎之  
後明有潭貴寧陽人成化中任漳平知縣潭溥瀘州人天順時  
進士

須氏

明夔州府學貢生須震任茶陵州同須冠任攸縣主簿雲陽學

貢生須文星任膚施縣丞

桃氏

湖南通志桃翔金堂人知江陵縣守已廉蒞事勤

堯氏

一統志明堯卿安岳人字廷輔成化己丑進士知昭化縣有異政擢太僕寺丞知銅仁府威著苗疆黎民安堵堯弼內江人正德進士榮山縣貢生堯時皋嘉定府學貢生堯克明

隆氏

隆地名蓋以邑爲氏者非必九隆之後也明時有隆英隆琦均利津舉人或子孫遷於蜀故蜀有隆氏萬縣冉應海妻隆氏生

子未彌月應海卒誓不嫁孝姑撫子事聞旌表明  
鄧都縣貢生  
隆盛隆壽

閻氏

統謹湖廣麻城有閻氏蜀之閻姓自楚遷也大足縣民有閻宗  
悅閻文有閻先

弘氏

統謹弘洪遂寧人弘治中任建平縣主簿

斯氏

大足多寶壩內石記有永川人斯完子奉先彥先幾先施錢引  
脩壩者宋紹興時人也明嘉靖中西充貢生斯美字鹿厓在太

學日上書請修紀信廟竝卹其子孫制可知柳州化民有方  
又有斯舉斯字大力西充人父早卒事母至孝國朝順治十一  
年甲午科舉人斯舉斯亦西充人明西充學貢生斯文任沔陽  
教諭斯美任郴州同知斯民表任蓋屋教諭斯養任汧陽知縣  
國朝歲貢斯行可

支氏

宋史孝子支漸資陽人年七十持母喪白蛇青螭繞其旁皓烏  
鵲雀集于墻明支鳳茂州人剛介孝友以明經授乳源令清慎  
自矢民受其福解組歸士負笈從之教人以躬行爲本居家端  
整雖燕居無惰容蜀中著作記龍溪詩集元支渭興著渭興長

寧人至順間任四川行省參政龍溪其別號也按舊志作支渭興州人誤

郫氏

姓苑郫姓望出成都按郫以地爲氏者

茹氏

姓謹茹榮簡州人唐長慶元年人幼失父事母姚氏至孝冠爲邑吏蒙宰賜瓜歸以遺母

萊氏

氏姓譜明萊從四川人宣德中任新喻縣教諭

邠氏

溘張納功德敘碑陰有守屬安溘邠升

馳氏

晉書地道志梓潼五婦山馳水所出當是以水氏者一統志馳  
九垓仁壽人宏治中官銅仁推官讞鞠多所平反值洞苗倡亂  
入巢撫諭之卒寢其變歲飢請賑不待詔而發曰寧我無官不  
忍民無食

基氏

統譜基厚大足人正統間官道州吏目

絮氏

按張敞傳有賊掾絮舜李奇曰絮音孥顏師古曰女居切又音

人餘反明有絮樂心井研人永樂中任郫縣丞

慈氏

統譜慈止仁壽人永樂中官大足縣訓導

敷氏

統譜敷季雅健爲人洪或間官松溪縣知縣

懷氏

高帝紀徙齊楚大族昭氏景氏屈氏懷氏田氏五姓關中與利  
田宅是懷氏本在關中或自關中遷蜀故蜀有懷氏也明懷寬  
井研人宣德中大浦縣丞懷金榜敘州府人雍正間健或營把  
總懷玉林興文人官把總嘉慶二年在湖北白魚寨陣亡

乾氏

勝朝殉節錄乾日貞成都人以艱黷里崇禎十七年獻賊陷城以甄擊賊而死乾隆四十一年賜諡節愍舊通志日貞字巡陽明乾道妻楊氏妙明成都人年二十五夫卒誓不他適撫遺腹子昭爲娶汪氏生子相昭卒汪氏年十六或欲奪其節汪哭曰吾姑不負吾舅吾豈忍負吾夫姑媳孀居撫相成立事聞旌表

崖氏

按吐蕃將有崖遇蜀之崖氏當係吐蕃後也統譜崖成邛州人永樂間舉人官知府一作大足人

淵氏

淵氏當出於齊大夫淵湫也明有淵澄蓬州人弘治中長山縣丞澍宰銅梁有民淵來生淵潛生本秦人也

茲氏

統譜茲成塾江人宋熙寧進士

聊氏

氏族略溱有聊廣圉洛下人氏姓譜明有聊珠越嚮人任江西瑞昌縣訓導宸濠之亂適知縣入覲珠率士民力拒之卒獲保全見寧遠府志而統譜云正德中爲湖口縣教諭又按聊世瑜溫江縣學貢生

茶氏

按茶舊音側加反蘇林漢書音義音食邪反如琅邪之邪奇姓  
通作茶音蛇非也明什邡人茶寧正統中爲永壽訓導重慶人  
茶孟元嘉靖中爲耀州寶雞知縣

青氏

按蜀之青氏由青陽氏改也明洪武中龍陽縣典史青文盛字  
盛夫夔州人龍陽邑瀕洞庭歲罹水患逋賦數十萬敲撲死者  
相踵文盛慨然詣闕請免負租三萬餘石章三上不報自縊登  
聞鼓下上命覈實蠲租二萬四千餘仍以一千三百爲額民德  
之立祠曰惠祠祀焉而蜀人物志云青文盛大寧人本朝嘉慶  
丁卯科舉人青文典蓬溪人丁丑大挑知縣分發雲南明遂寧

學貢生青祀官主簿青若淘北京副兵馬司

胥氏

粵陽國志春秋穀梁傳首敘曰成帝時議立三傳博士巴郡胥君安獨駁左傳不祖聖人以儒學典雅稱於孝成

繩氏

統譜天順中嘉定人繩服任永福縣知縣

良氏

一統志良壽縣人妻吳氏流賊進內投水而死

琴氏

統譜景泰間有資陽琴惟和任陝西葭州知州

經氏

明縣竹縣貢生經世承見縣竹志

明氏

統譜明輔巴縣舉人正德時官廣州府通判按陝西志輔天順  
初任蒲城教諭有師範善教能詩升國子學錄又萬曆三十八  
年庚戌科進士明時舉順慶人成化十三年丁酉科舉人明經  
內江人正德五年庚午科舉人明幼充西充人萬曆二十二年  
甲午科舉人明之印順慶府人萬曆二十八年庚子科舉人明  
聘順慶府人

粘氏

統譜粘承先巴縣人正德中任懷寧縣訓導

鄭氏

統譜鄭微睢州人成化中官建平縣丞

愈氏

統譜愈道瀛岳池人洪熙中任德化縣主簿

欽氏

按蜀錄羅尙在邾城與李雄攻戰邾令犍爲張玠欽明每摧破  
雄是欽爲犍爲郡姓也屏山民有欽鳳

逢氏

統譜逢榮丹稜人萬厯中任貴州衛指揮

鮮氏

山谷題跋昔聞蜀人有魯三江者稱能詩士大夫多宗之今觀閬州鮮長江詩不甚愧之也雖切磋琢磨之功少而渾厚之氣幾度其前次長江因頓州縣使之學不盡其才名不聞于世亦其鄉之先進士大夫之罪也鮮氏以閬中爲族姓其散漫於西蜀者皆以閬中爲祖或云出於鮮于後蜀李壽時司徒鮮思明用事專廢立其鮮氏之祖歟按嶠陽國志漢末有鮮尼江原人不始李壽時也宋熙寧時鮮符戎州人登科鮮大年灌縣人令縣竹公恕存心明宏治十八年乙酉科進士鮮冕巴縣人任御史景泰四年癸酉科舉人鮮卓營山人任塾江教諭成化十三

年丁酉科舉人鮮廉宜賓人正德二年丁卯科舉人鮮瑚巴縣人瑞安知縣國朝康熙五十二年癸巳科舉人鮮侁新繁人乾隆二十七年壬午科舉人鮮學文射洪人乾隆四十八年癸卯科舉人鮮大庚順慶府人更名崇庚乾隆四十八年癸卯科舉人鮮崇庠營山人國朝南川縣學歲貢生鮮我翻鮮與匹鮮與京鮮與頡國朝銅梁縣學貢生鮮疏蘭巴州學歲貢生鮮杯鵬長寧教諭明鮮宏舊通志閬中人任醫學正科天順間寇南部逼閬境檄宏率民兵禦之遇賊力戰死旌祀

墻氏

按墻卽廐也昭公二十三年傳有廐人直人注周地墻氏乃以

地爲氏者後唐李昊修羊馬城記有墻進是蜀之有墻姓久矣  
本朝康熙時塾江墻鼎爲交河縣知縣墻基雍正丙午舉人官  
清豐縣知縣墻墉雍正丙子科舉人墻士道乾隆戊子科舉人  
墻見義任廣西知縣又拔貢墻士進歲貢墻屋嘉慶間墻均官  
梓潼教諭一云灌縣訓導俱塾江人

### 衡氏

漢學師題名衡謙字仲卿蜀人也明鹽亭學貢生衡守常雲南  
斷事衡平邠州訓導衡守璧松滋訓導衡山洧州訓導衡執中  
洋縣縣丞衡起商蓬溪學貢生衡政

### 賓氏

按成都府昭忠祠祀賓守朮或生也嘉慶元年赴達州軍營効力隨大軍擊賊于昭化縣魚釜灘力戰死

陰氏

按蜀之陰氏爲吾涼陰子春之後子春爲梁州刺史子鏗鏗子灝灝子宏道新唐書菽文志周易新傳疏十卷灝子宏道臨渙令崇文總目宏道世其父灝之業雜采子夏孟喜等十八家之說考定其長合七十二篇于易有助蓋宏道始徙蜀也宋紹熙四年癸丑科進士陰辰之順慶人明成化五年己丑科進士陰子淑副使嘉靖三十五年丙辰科進士陰或卿字定夫官左布政巡撫歷侍郎著有月溪文集永樂三年甲午科舉人陰秉剛

均內江人正統九年甲子科舉人陰雨渠縣人正德十四年己卯科舉人陰汝佐嘉慶十六年丁酉科舉人陰惟肖崇正九年丙子科舉人陰祐宗均內江人

成氏

寧陽國志劉璋以捷爲都尉廣漢成存爲太守

波氏

寧陽國志江州冠族有波氏

嘉氏

嘉天寵劍州人順治十一年甲午科舉人嘉玉振保寧人乾隆甲午舉人任漢州學正又嘉子彰成都舉人嘉慶時授讀彭縣

周姓爲誰何所殺又生員嘉玉藻

泉氏

舊通志泉應化應厚營山人姚賊猖獗應化倡先修砦遠近難民俱集後各砦破此砦獨全存活無算後兄弟出砦巡警爲賊執不屈死

雍氏

按蜀之雍氏始于雍齒封什邡侯齒于荒侯鉅鹿孫野曾孫章後嗣蕃昌蜀錄晉朱提太守雍約唐太和進士雍陶成都人宋景祐元年甲戌科進士雍明遠南部人皇祐中進士雍子方新井人嘉祐中進士雍明章閬州人治平中進士雍公說鄰水人

京東制置大使雍鈞廣安軍人御史淳熙中進士雍黃中南部人元豐八年乙丑科進士雍機雍子定南部人元祐中進士雍沿營山人雍周南部人紹聖中進士雍復周閬州人崇寧二年癸未科進士雍孝聞南部人省試奏名第一王明清揮塵錄孝聞蜀士之秀也元符末有聲太學殿試策力詆二蔡及時政不便者徽宗大怒竄海外宣和末上思其忠批云雍孝聞昨上書致罪罹刑辟忠誠可嘉特開落過犯授修武郎閤門宣贊舍人命頒而孝聞死矣於是錄其子選爲右選雍鉞南部人政和中進士雍觀復雍涼南部人宣和三年辛丑科進士雍舒廣安軍人宣和中進士雍琦順慶人紹興十八年戊辰科進士雍思安

岳人紹興二十七年丁丑科進士雍敏安岳人雍伯徹遂寧人  
特奏名紹興中進士雍霖富順人淳熙十一年甲辰科進士雍  
禧遂寧人特奏名淳熙中進士雍本順慶人慶元中進士雍提  
順慶人嘉定十三年庚辰科進士雍東震雍學英雍夢易俱安  
岳人嘉定中進士雍午之順慶人紹定中進士雍繁孫平或人  
嘉熙二年戊戌科進士雍鎮安岳人淳祐十年庚戌科進士雍  
溥安岳人寶祐四年丙辰科進士雍范遂溪人明萬歷十一年  
癸未科進士雍之可南充人崇禎元年戊辰科進士雍鳴鑾成  
都人洪武二十六年癸酉科舉人雍天福江油人嘉靖十年辛  
卯科舉人雍禮叔順慶府人

庾氏

海篇音佗姓也按庾姓蜀中多有當係庾姓所改渠縣志庾洪  
淳祐四年甲辰科雷夢炎榜進士宋庾萬全合州人紹興中進  
士庾智蓬州人洪武中由太學生官戶科給事中舊志作庾智  
誤國朝雍正十年壬子科舉人庾可權渠縣人任山東萊蕪知  
縣新都學歲貢庾建中渠縣學歲貢庾振彭水學恩貢庾舉德  
榮經學歲貢庾侯任雙流訓導康熙時有恩貢庾謀歲貢庾振  
或進士庾繪或舉人庾廷標均渠縣人庾舉德彭水縣拔貢生  
嘉慶間成都有庾天佐

取氏

統譜宋取應宗淳熙進士取希晦希作俱蜀富順人按徐偃王  
子食邑於取盧因氏取氏爲取慮氏所改又取慮顧野王音秋  
廬闌駟音陬閭

拴氏

興文志權世魁之妻拴氏世魁爲健戎營兵戍金沙江病卒時  
拴氏年二十七歲聞計欲自盡勸阻絕粒數日慟祭夫靈徧請  
鄰里泣託三歲孤兒官保夜縊事聞旌表建坊

高氏

合州志高榮福妻苑氏守節澍按高卽和字一作瑀

羌氏

按秦時有羌薤爲將軍是羌姓古有之澍宰屏山日有大邨鄉民羌世泰

科氏

澍宰屏山日民有科時泰

廉氏

大足縣志廉操宋建炎登科廉毅登元豐第

魚氏

新唐書宦者本傳魚朝恩瀘州瀘川人天寶末以品官給事黃門內陰黠善宣納詔令至德初監李光進軍九節度圍賊相州以朝恩爲觀軍容宣慰處置使觀軍容使自朝恩始魚嘉鵬舊

通志字萬里郡庠生篤學力行獻賊遣僞官至嘉鵬率眾殺之  
賊搜拷詢其黨嘉鵬厲聲曰我自爲之恨不能殺獻賊耳他人  
何與賊磔殺之大學士王應熊特旌焉勝朝殉節諸臣錄乾隆  
四十一年予入忠義祠

鄢氏

希姓錄蜀大足有鄢姓按大足鄢桂枝嘉靖時舉人知翼城縣  
升劍州國朝簡州歲貢鄢奇琳鄢奇璋

賢氏

姓苑蜀有此姓按明史會州衛軍民指揮使領迷易千戶所土  
官賢姓其先雲南景東秧種也當爲漢建武世哀牢王賢栗之

後

雙氏

寧陽國志涪令雙勝是蜀之有雙姓遠矣又唐時有雙舍乃夸  
姓也魏雙仕洛爲梁州刺史或其子孫寓蜀蜀有此姓也明正  
德八年癸酉科舉人雙靖十年辛卯科舉人雙應麟華陽人崇  
禎六年癸酉科舉人雙鳳祥成都府人國朝昭化學恩貢雙碧  
雙呈棋歲貢雙琨明梁山學貢生雙桂官河南按察經歷又貢  
生雙槐

邨氏

統譜邨斯立蜀人

卿氏

楊慎希姓錄蜀有卿姓

槐氏

姓苑槐氏望出廣漢唐有槐承榮槐公儉按明隆慶時有槐寅  
爲成都指揮使

山氏

後漢書祚都傳桓帝延熹四年犍爲屬國夷寇郡界益州刺史  
山昱擊破之斬首千四百級餘皆解散靈帝時以蜀郡屬國爲  
漢嘉郡唐書睢州刺史山行章叛附于王建五代史王建時有  
廣漢山行章官黎州刺史行章當爲昱之後也

池氏

池譽仁壽舉人乾隆時爲沔縣訓導池文芳綦江人嘉慶時官嘉興府司獄池鯉登順慶府人庠生嘉慶元年達州教諭徐天德倡亂鯉登集鄉人依天臺山以避賊二年十月賊首張映祥擁眾來攻固守益力賊退鯉登率眾追勦至岳池縣之寒木壩力戰死

眞氏

按宜賓縣西北有眞溪黃庭堅云叙府西北百二十里有眞溪源出匍山東流至富順界入江有姓眞者居之故名今有眞溪驛

陽氏

按陽翁偉廣漢人能聽馬言見論衡楊宜師之亦能聽鳥獸之音  
學陽國志陽譽巴郡人仕本郡文學掾宋有陽岳陽枋陽恪  
巴川人學于朱子之徒晏淵有玉井陽氏易義春秋解義

平氏

學陽國志平直巴郡人仕本郡文學掾

言氏

太平寰宇記雲陽三姓有幸氏委氏言氏

襄氏

李特載記巴西郡丞毛祖五官襄珍以郡降李蕩按晉時郡縣

右職皆本郡人爲之襄珍亦巴郡人

狐氏

蜀志馬忠字德信閬中人少養外家姓狐名篤後乃復姓改名忠按寧陽國志閬中大姓有三狐五馬蒲趙任莫嚴也

扶氏

寧陽國志胸忍縣大姓有扶氏按西京雜記漢高祖時有扶嘉胸認人

師氏

師頽建隆初知簡州入爲起居舍人以公累去官復起居資厝二州所至以簡靜爲治蜀人安之蜀之厝有師氏宜爲頽之後

姓氏考宋師庚師先竝眉州人建隆登科又師顯行景定中知忠州政尚清靜忽狂寇竊發卽禽滅之人以爲仁者之勇又師維藩仕爲全州文學其學精于春秋徽宗時興太學司業高閑言建學之初宜得老成以誘掖後進乃以維藩薦詔除國子學錄皆眉山人

蒲氏

氏族略今蜀中多此姓按蜀漢時有蒲元諸葛丞相西曹掾善鑄刀辨水宋蒲卣字君錫閬中人後官提點胡南刑獄知鼎遠隴寧四州復提舉潼川路刑獄蒲叔獻南部人舉進士爲成都漕百姓歌曰運使姓蒲民力可蘇召爲宗正卿蒲規字正臣安

岳人有文名爲洪雅令始以嚴治終以仁濟夸人德之又孟昶  
臣蒲禹卿朱資政殿學士蒲宗孟蜀孟昶時蒲乾貫著易軌一  
卷皆蜀人當爲蒲元之後也

昭氏

寧陽國志序目昭約字節宰雒人氏姓譜宋昭迴睢州人元祐  
進士

州氏

氏族考漢吉成侯州輔閬中人按宦者州輔犍縣人水經注中  
常侍州苞卽州輔也爲長樂太僕謂爲閬中者誤

苦氏

希姓錄苦田齊之後宋建炎進士苦殼眉州人按今四川通志  
作若殼

依氏

唐書孝友傳序有梓潼依政